

十
科曰簪用牙角竹玉任依時制皆不得雕鏤
為異形像違奪算八百二十
科曰道士女冠法衣皆不得冒犯穢惡假借
他人須箱篋藏襟冠履亦然違奪算一千二
百

洞玄靈寶三洞奉道科戒營始卷之五

洞玄靈寶三洞奉道科戒營始卷之六

常朝儀 四眾三洞可旦夕常行所以
朝法七

洗漱如法

初入堂上香旋行頌曰

學道當勤苦 歛信運丹誠 燒香歸太上
真炁雜煙馨 唯希開大宥 七祖離幽冥
三上香各依位端身執簡禮十方從東始上
香訖唱人各恭敬

至心歸命東方玉寶皇上天尊至心歸命南
方玄真萬福天尊至心歸命西方太妙至極
天尊至心歸命北方玄上玉晨天尊至心歸
命東北度仙上聖天尊至心歸命東南好生
度命天尊至心歸命西南太靈虛皇天尊至
心歸命西北无量太華天尊至心歸命上方
玉虛明皇天尊至心歸命下方真皇洞神天
尊各長跪執簡當心懺悔曰
眾等至心歸身无極大道天尊懺悔皇家及
臣眾等一切眾生前代今身或身形所犯四
肢舉措動違戒律不依經典身業大罪无量

无邊因今禮懺並乞蕩除皆願眾等身入至
仙會道合真稽首十方正真三寶

眾等至心歸神无極大道天尊懺悔皇家及
臣眾等一切眾生前代今身或神識所犯志
念不專情浮意動馳騁不息心業大罪无量

无邊因今禮懺並乞蕩除皆願眾等神合真
寂洞入自然稽首十方正真三寶

眾等至心歸命无極大道天尊懺悔皇家及
臣眾等一切眾生或口業所犯善惡及論綺
言飾非華詞惑眾口業大罪无量无邊因今
禮懺並乞蕩除皆願眾等性命合道玄會无
為稽首十方正真三寶

人各平立唱一體北向平立誦經頌

樂法以為妻 愛經如珠玉 持戒制六情
念道遺所欲 淡泊正氣停 蕭然神靜默
天魔並敬護 世世受大福
譽發家國盛 濟濟經道興 天人同其願
縹緲入大乘 因心立福田 靡靡法輪昇
七祖生天堂 我身白日騰

大道洞玄虛 有念无不契 鍊寶入仙真
迷成金剛體 超度三界難 地獄五苦解
悉歸太上經 靜念稽首禮
至心稽首太上無極大道至心稽首三十六
部尊經至心稽首玄中大法師

一願二儀長久覆載無窮至心稽首正真三
寶二願日月運行光明普照至心稽首正真
三寶三願皇家宗廟先靈神昇九天志心稽
首正真三寶四願皇帝聖化无窮德合二儀
至心稽首正真三寶五願皇儲仁孝貞明紹
隆聖緒至心稽首正真三寶六願諸王兄弟
文武職僚奉上盡誠安人用道至心稽首正
真三寶七願天下太平兵戈止息至心稽首
正真三寶八願師尊父母亡者生天見存安
樂至心稽首正真三寶九願眾等慧業日新
智燈無盡至心稽首正真三寶十願十方施
主凡厥有緣俱捨苦因咸登道岸至心稽首
正真三寶十一願法界威靈金剛力士用道
神通攝邪歸正至心稽首正真三寶十二願
三塗五苦法界眾生並出欲纏同昇福岸至

心稽首正真三寶

誦學仙頌

學仙行為急 奉戒制情心 虛夷正氣居
仙聖自相尋 若不信法言 胡為棲山林
科曰凡朝依此儀速奪算一千二百

中齋儀

時至澡漱供養悉如法唱人各恭敬

至心稽首太上無極大道至心稽首三十六
部尊經至心稽首玄中大法師

行道行香一切眾官誦無上尊行香頌曰

道以齋為先 勤行登金闕 故設大法橋

普度諸人物 宿世恩德報 道心超然發

身飛昇玄都 七祖咸解脫

至心稽首太上三尊十方眾聖

齊官長跪歎功德

原夫无色之已示妙色於人間无身之身見
真身於象外故能形分百萬變化无窮影散
億千隨迎莫測由是慈周法界則劫劫度人
德被塵沙乃方教化或遊行八十一國化
被西戎或在世九百餘年導茲中夏普使人

天悟道長登解脫之門生死歸真並出輪迴
之浪然後神凝金闕獨為萬聖之宗體妙瓊
都高步九清之上是知天上天下三界十方
巍巍最尊惟吾大道今日齋官^科為事修
營妙供以薦微誠歸命十方虔心三寶當願

神通自在俯念^科眾生妙應无邊仰垂慈澤即
使飛天下降示罪福之科妙行齊臨按因緣

之格塵沙咄累垂乞消除浩劫愆尤皆蒙蕩
滌見在善根增長共壽樹以同年過去惡業

消亡等香林之受樂憑茲勝福普暨无窮九
幽絕悲痛之冤六趣罷輪迴之識逮乎凡諸

品蒙普是含靈俱超愛欲之河並陟逍遙之
岸

願齊官七世父母神生淨土勝報无窮至心
稽首正真三寶願齊官宅舍安寧闔門和睦

至心稽首正真三寶願齊官子孫昌熾世出
賢明至心稽首正真三寶願齊官罪累蕩除

福慧圓滿至心稽首正真三寶願天下太平
萬姓安樂至心稽首正真三寶願一切眾生

免離諸苦同入正真至心稽首得道眾聖

平坐如法施食呪願曰此受食呪

一切作福田施食最為先見世受快樂過去得生天當來居淨土衣食常自是故今供養普獻於諸天食遍齊拱手呪曰香廚妙供上獻天尊中獻真聖下及眾生普同飽滿福流齊官如水歸海儀六十二

食訖施食懺食曰上啓

十方天尊敬白見前大眾弟子今日所營齋供或恐手觸不淨衣服不淨器物不淨米麥不淨事事種種多不如法願三寶弘慈布施歡喜殘有供具迴施一切當願施者得福食者无罪

齊官捨香供養如法唱讚誦如法

為諸來生作善因緣如蒙開悟仰受聖恩

次齊官持淨施云布施呪願上啓

十方三寶一切真聖齊官其為其事設齋已訖猶恐功德未圓更捨淨財迴施三寶當願布施已後七祖生天見存快樂世生生得福无量

次唱持念人各恭敬至心稽首

太上三尊十方眾聖願齊官百福裝嚴萬善歸集至心稽首正真三寶

以此設齋功德寶被群生離苦解脫至心稽首禮得道眾聖

科曰凡一中齊依此儀連奪算一千六百

中會儀

入道戶呪漱捨香叩齒並如行道法發鑿呪

曰

无上三天玄元始氣太上老君召出臣身中

三五功曹左右官使者侍香玉童傳言玉女

五帝真符各三十六人出關啓此間土地里

域真官正神今故燒香願得太上十方正真

妙氣降注臣身中令所啓速達徑詣

至真无極道前

稱名位

太上靈寶洞玄法師其嶽真人其上啓十二

太上天極大道至真无上三十六部尊經玄

中大法師三界官屬一切威靈今故燒香願

以是功德歸流其家九玄七祖見前人口乞

丐原赦前生今身一切所犯无逆醜惡此罪

億過悉乞除蕩即願亡者上生天堂衣飯自

然見存災消禍滅長居福慶善緣之中門戶

清貴子孫昌熾世世享祚萬願從心今故燒

香克復感通徑至

无極道前

至心稽首東方无極太上靈寶天尊十方同

次南次西次北次東北次東南次西南次西

北次上方次下方

誦三契頌

至心稽首太上无極大道至心稽首三十六

部尊經至心稽首玄中大法師

重稱名位

太上洞玄靈寶法師其嶽真人其上啓十二

太上天極大道三十六部尊經玄中大法師

上相上宰四司五帝三界官屬一切真靈其

等今故捨香願為其懺謝无量劫來至于今

日生死宿罪重過或違天犯地輕慢三寶殺

害眾生罵詈呪詛嫉妬慳貪邪淫放蕩愚癡

竊盜口是心非三業六根罪愆无量因今首

謝並乞消除願亡者生天見存安樂子孫昌

熾福慶自然暨乎天下地上五苦三塗咸出
幽牢俱蒙惠潤凡諸有識並入道場謹啓二
上香復鑑呪曰香官使者左右龍虎君侍香
諸靈官當令此間朝會之所自然生金液丹
碧芝英百靈眾真交會集在香火案前十方
仙童玉女侍衛香煙傳奏臣向來言啓僣至
无極道前

旋行頌出

道以齋為先 勤行登金闕 故設大法橋
普度諸人物 宿世恩德報 道心超然發
身飛昇玄都 七祖咸解脫
科曰凡中會依此儀連奪等一千六百

度人儀

齋時未至應度人列階下西面辭父母謝九
玄合十二拜次北面拜天子四拜所以者冠
帶天尊法服更不復拜父母國君故也於此
入道之際須辭謝耳既訖拱手端身北向三
歸三寶三禮
至心歸身太上天極大道至心歸神三十六
部尊經至心歸命玄中大法師迴面西禮監

度三師各三拜訖便長跪先保舉師為著法
裙次監度師為著雲袖次度師為著法披然
後便為戴法冠畢退禮三師三拜北面執簡
端立師面東平立誦智慧三首其詞曰
智慧起本无 朗朗超十方 結空峙玄霄

諸天挹流芳 其妙難思議 虛感真實通
有有竟不有 无无无不有 眇眇入玄津
智慧恒觀身 學道之所先 魔王為保言
自然錄我神 天尊常擁護 魔王為保言
晃晃金剛軀 迢迢太上清

智慧生戒根 真道戒為主 三寶由是興
高聖所崇受 汎此不死丹 倏歛濟大有
當此說戒時 諸天並稽首
每至首終齊唱善禮一拜總訖迴身禮十方
從北始至心歸命北方无極太上天寶天尊
十方同次東次南次西次東南次東北次西
南次西北次上方次下方次退居東面西師
西面東向為說十戒新度人皆稱名受
天尊言善男子善女子能發自然道意東入
法何愛我十戒則為大道清信弟子皆與男

猛飛天齊功於是不退可得超凌三界得為
上清真人汝當伏受諦聽在心

一者不殺當念眾生二者不姪妄行邪念三
者不盜取非義財四者不欺善惡反論五者
不醉常思淨行六者宗親和睦无有非親七
者見人善事心助歡喜八者見人有憂助為
作福九者彼來加我志在不報十者一切未
得道我不有望

天尊言修奉清戒每合天心常行大慈願為
一切憐憫尊教不敢中怠寧守善而死不為
惡而生於此不退可得按度五道不履三惡
長齋奉戒自得度世新度人禮師三拜北向
禮三尊三拜

誦奉戒頌其詞曰

道為无心宗 一切作福田 立功无定主
本願各由人 虛己應眾生 注心莫不均
大聖弘至教 亦由兩降天 高陵靡不周
常卑故成淵 海為百川王 是能合龍鱗
萬劫保智用 豈但在厥年 奉戒不暫虧
世世善結緣 精思念大乘 會當體道真

科曰凡度人依此儀違奪筭一千二百
科曰凡八儀道士女冠行事所要指楨時須
集成此卷當依而奉之違四司考魂不復名
上道科奪筭二十四百
洞玄靈寶三洞奉道科戒營始卷之六

洞玄靈寶道學科儀上

太極大虛真人

儀七

言語品

科曰凡是道學當知樞機緩急言語善惡招
禍得福唯聞口業出家之人若道士若女冠
在房在觀與長德師尊有所言對諾決可否
和聲下氣奉聽長德師尊之言若未如意道
理不明待上辭盡然後徐徐決定無容以私
亂眾及口氣狼籍雖復在內不為惡心而招
在外大小不順一得在內二眾誇二得在外
二眾誇若在法朋友年類相當或大友於小
或小接於大所有論說或言及眾事或言身
事寬心緩語務令理盡不得因此呵喚驚張
內外二眾不忌師尊不忌道俗尊及父母兄
弟宗親若在房院若在徒眾發心吐言皆當
評論正事問答法問智者諧之愚者教之使
智慧增明愚疾日破雖終日言而合道事亦
無苦若對外眾六親眷屬一切男女有所道
說問訊寒涼及俗間正事不可不道者聽之
自此已外非法聲說雖喜非法之俗不與出

家相宜慎勿言之一言已致大凶者是為上
多言一言而致辱者是為中多言一言而見
窮者是為下多言古今賢聖之出言文辭滿
天地之間尚苦其少天下以為法不敢厭其
言故善言無多惡言無少古者聖人之將言
皆思之出言成經置為人法愚者出言為身
災害還以自傷此重誡也

講習品

科曰凡是道學當知聽習回向須得明師師
若不明翻成傷道慧若道士若女官棲身法
門志求玄悟應離七種耽著一者耽著朋遊
二者耽著酒色三者耽著名利四者耽著玩
弄五者耽著伎樂六者耽著飲食七者耽著
城市離此著已當發四種願見一者願見明
師不論遠近二者願見明師不論貧富三者
願見明師不論愛憎四者願見明師不論貴
賤一念二念至于多念一時二時至于多時
驅策身心如飢如渴詢請妙義得聞得思得
行得證稱揚功德玄化興隆無令二眾得迷
悞若若女冠眾性理恬懦本位無人可講習